

CAPU I – Elementos constitutivos

Art. 1 - (Natura de s'Unione)

1. Is Comunos de ARMÙNGIA, BALLAU, GONI, PAULI GERREI, SANTU ANDRIA 'E FRIUS si costituint in Unione cunforma a s'art.32 de su D.Lgs. 18/08/2000 n. 267 e de s'art. 3 de sa L.R. 12/05. e s.m.is.
2. S'Unione est su trastu de collaboratzione de is sugetos assotziados, dotadu de personalidade giuridica, potestade regulare pro sa disciplina de s'organizatzione pròpia, pro s'acumprimentu de is funtziones afidades a issa e pro is raportos fintzas finantziàrios cun is comunos.

Art. 2 - (Denominatzione e sede)

1. S'Unione assumet sa denominatzione de UNIONE DE IS COMUNOS DE SU GERREI.
2. S'Unione tenet sede legale in Pauli Gerrei, Pratzza Salvatore Naitza s.n.
3. S'assemblea at a pòdere deliberare s'adotzione de unu sinnu emblemàticu (logotipu o logu) e, bisongende, su cambiamentu de sa sede, fintzas cun trasferimentu in àteru Comunu.

Art. 3 - (Finalidade de s'Unione)

Est acumpridu de s'Unione promòvere s'integratzione progressiva intre is comunos chi dda costituint gestende cun atòliu e eficatzidade totu su territòriu e mantenende in capu a is s'ingulos Munitzipios sa cumpetèntzia a s'esertitziu de is funtziones amministrativas chi prus dae curtzu nde caraterizant is peculiaridades ispetzificas.

S'Unione de is Comunos de su GERREI persighit s'autogovernu e promovet s'isvilupu de is comunidades comunales chi dda costituint, cuncurrende a s'annoadura de sa sotziedade de s'Istadu; promovet in prus s'amparu solidale intre is Comunos, chi ant a pòdere, cun s'atzione issoro, cuncurrere a parare fronte a situatziones temporàneas de difficultade de is comunos chi nde faghent parte.

S'Unione de is Comunos de su Gerrei, in contu de is funtziones esertitades dae issa, rapresentat is comunidades is residentes de su territòriu chi dda delimitat, de is cales cuncurret a curare is interessos e promòvere s'isvilupu, tenende contu de is apentos relativos e peculiaridades de is s'ingulos Comunos aderentes.

S'Unione cuncurret a sa determinatzione de is obietivos cuntènnidos in is partes e programas comunales, de sa Provìntzia de Casteddu, de sa Regione Sardigna, de s'Istadu e de s'Unione Europea providit, pro su chi est de cumpetèntzia pròpia, a s'ispetzificatzione e atuatzione in sa prospetiva finalistica comente in su coma pretzedente.

Art. 4 - (Ogetu)

Podent èssere trasferidas a s'Unione de is Comunos de su Gerrei, is cumpetèntzias chi pertocant is s'inghentes funtziones: -

SERVÌTZIU PERSONALE COMUNALE, DE IS CANTIERIS E TRABALLOS IN ECONOMIA

Funtziones atribuidas: - Personale:

- Funtziones amministrativas, previdenziales, assegurativas e contàbiles de totu su personale dipendente de is Comunos, de su personale de is cantieris e de is traballos in economia.
- Nùcleu de Valutazione e controllu de gestione.
- Cuntratazione Colletiva detzentrada integrativa.
- Problemàticas chi pertocant sa seguridade in is postos de traballu (ex D.Lgs. n. 626/1994).

SERVÌTZIU DE IS TRIBUTOS COMUNALES

Funtziones atribuidas: -

- Gestione (Atzertamentu, licuidazione, ispesa, rimborso e cuntentziosu) de is sighentes tributos: - I.C.I.; T.A.R.S.U.; T.O.S.A.P.; C.O.S.A.P. SERVÌTZIU ISTATÌSTICA

Funtziones atribuidas: -

- Ufitziu de Istatistica (ISTAT);

SERVÌTZIU TERRITÒRIU – AMBIENTE – INFRASTRUTURAS

Funtziones atribuidas: -

- Gestione coordinada de is faianas chi pertocant s'edilìtzia privada, sa pranificatzione urbanìstica comunale, sa realizazione e gestione de is Òperas Pùblicas, cumpresas is protzeduras espropriativas;
- Territòriu e Urbanìstica: edilìtzia residenziale pùblica;
- Incuinamentu acùsticu;
- Incuinamentu eletromagnèticu;
- Gestione de is refudos;
- Interventos de defensa de sa terra e preventzione de s'arriscu de franadas e/o idrogeològicu;
- Òperas Pùblicas;
- Viabilidade;
- Trasportu Pùblicu locale;
- Amparu tzivile;
- Gestione catastu;
- Luta a su randagismu.

SERVÌTZIU - ISVILUPU ECONÒMICU E DE IS FAINAS PRODUTIVAS

Funtziones atribuidas: -

- Programatzione de s'isvilupu econòmicu de is Comunos e redatzione de is Pranos de Isvilupu Econòmicu Locale;
- Gestione de s'isportellu ùnicu pro is fainas produtivas;
- Commèrtziu e fainas produtivas;
- Turismu;
- Artesania;
- Massaria;
- Indùstria;
- Fieras e mercados.

SERVÌTZIU SISTEMAT INFORMÀTICU

Istùdiu e gestione de su sistema informàticu de s'Unione. SERVÌTZIOS A SA PERSONE E A SA COMUNIDADE

Funtziones atribuidas: -

- Amparu de sa salute (Sistema integradu de is servìtzios a sa persone L.R. 23/2005);
- Istruzione iscolàstica;
- Benes culturales;
- Ispetàculu e fainas culturales;
- Isport.

PROGRAMATZIONE NEGOTZIADA

POLITZIA URBANA E RURALE – AMMINISTRATIVA –GIUDITZIÀRIA E DE PÙBLICA SEGURIDADE

Funtziones atribuidas: -

- Servìtzios de Polizia Munitzipale, cumpresos totu is funtziones amministrativas e connètidas.

S'Unione, in s'esertìtzio de is funtziones atribuidas, assegurat sa consulèntzia giurìdica e tècnica netzessària, fintzas pro mesu de su recursu a consulèntzias esternas.

A s'Unione podent èssere atribuidas àteras cumpetèntzias respetu a is elencadas in su coma pretzedente, a pustis de sa modìfica de su presente Istatutu e Atu Costitutivu.

Su sèberu de is cumpetèntzias ogetu de trasferimentu pertocat, pro cantu possibile, servìtzios parìviles intre issos e comente si siat chi facat a mancu de lassare in capu a su Comunu cumpetèntzias gestionales residuales. A custu iscopu, francu diferente voluntade manifesta deliberada, su mentovu de unu datu

setore materiale giutu in is atos de trasferimentu ìmplicat s'achirimentu de s'Unione in totu is funtziones amministrativas chi in manera dereta nd'interessant sa gestione de cumpetèntzia comunale.

Art. 5 - (Adesione de Comunos noos)

1. Is Comunos chi bolent aderire a s'Unione a pustis de sa costituzione sua, presentant rechesta iscrita cun unidadeliberatzione de su Cunsìgiu Comunale assùmida a majoria de is cunsigeris chi ddu cumponent.
2. Sa recherta at a èssere sutaposta a aprovatzione de is Comunos faghende parte de s'Unione sighende su matessi iter protzedurale de muda de s'Istatutu.

Art. 6 - (Durada)

1. S'Unione durat finas a cando is Comunos chi dda cumponent nde dispòngiant s'isorvimentu, cun deliberatzione de cada Cunsìgiu Comunale, e, comente si siat, finas a cando a dda cumpònnerè siant a su mancu duos Comunos.

Art. 7 - (Retzessu)

1. Cada Comunu partetzipante a s'Unione nde podet essire in manera unilaterale, cun providimentu cunsiliare.
2. In casu de retzessu dae banda de unos cantos intre is Comunos chi dd'ant costituída, sa gestione de is raportos acumandados a s'Unione at a èssere torrada a intregare a is relativos Comunos.
3. Is brigas chi podet essire a campu in dipendèntzia de su presente articulu ant a èssere detzìdidas dae una cummissione cumposta dae un'espertu numenadu dae su Cunsìgiu de Amministratzione, dae un'espertu numenadu dae sa Giunta de su Comunu interessadu e de un'espertu numenadu dae su Presidente de su Tribunale cumpetente.

Art. 8 - (Protzedimentu pro su trasferimentu de is cumpetèntzias)

1. Su trasferimentu de is cumpetèntzias est deliberadu dae is Comunos e si perfetzionat pro mèdiu de una deliberatzione assembleare de retzepimentu dae banda de s'Unione de sa cale, fintzas cun rinvìu a is eventuales solutziones transitòrias prevididas dae is atos comunales, essant a campu is cunditiones organizativas e finantiàrias idòneas a evitare chi in sa sutzessione de sa titularidade de is raportos si potzat determinare cada forma de pregiudìtziu a sa continuidade de is prestatziones e/o servìtzios chi nde derivant.
2. A pustis de su trasferimentu de is cumpetèntzias a pitzu de una matèria particolare, s'Unione devenit titolare de totu is funtziones amministrativas chi ocurent a sa gestione sua, e a issa cumpetent in manera dereta is impostas, tarifas e contributos, cumpresa sa determinatzione issoro, atzertamentu e prelevamentu.
3. Su protzedimentu de trasferimentu, si de su casu, chircat de risòlvere totu is trascritziones, is volturas e is àteros bisòngios ocurretes a s'achirimentu de s'Unione in sa titularidade de is raportos currentes cun terzo sugetos. Cando chi custa faina non potzat èssere acumprida cun prontesa, est facultade de is Comunos deliberare in cada casu su trasferimentu de is cumpetèntzias in s'ogetu, deleghende a s'Unione su còmputu de gestire in nùmene, contu e interessu de su Comunu custos raportos.

4. Pro more de su progressivu sebestu de is cumpetènzias de s'Unione e a s'acumprimentu de is bisòngios istrutòrias chi acurrent a nd'evidenziare e nde risòlvere is cunditziones ùtiles a su trasferimentu issoro a s'Unione etotu, si protzedit pro règula cun cunferènzias de servìtzios, presididas dae su presidente de s'Unione, overas, in casu de inatividade pro 45 (barantaghimbe) dies dae sa data de ritzevimentu de sa rechesta direta a dda promòvere, de su Sìndigu de su Comunu chi dd'at presentada.

5. Su cunflitu de cumpetènzia, ativu o passivu, intre s'Unione e unu de is Comunos in manera relativa a sa titularidade de s'esertìtzio de is funtziones amministrativas interessadas dae su trasferimentu, est risòlvidu cun is modalidades espressadas ib coma 3 de s'articulu 7 pretzedente.